



Inatsisartuni ilaasortaq, Jens Napätôk', Partii Naleraq

E-mailikkut uunga nassiussaq: inatsisartut@inatsisartut.gl

**Inuussutissarsiutit ineriartortinnissaannut pilersaarutinit tunngatillugu § 37-mut tunngasutut apeqqutinik akissuteqarneq**

Inatsisartut suleriaasianni § 37 najoqqutaralugu inuussutissarsiornermut periarfissat sorliit Naalakkersuisut neqeroorutigineri pillugit Naalakkersuisunut apeqquteqarsimavutit. Apeqqutigisatit uannit akisassanngorlugit innersuussutaasimapput, ataanilu akissutikka takusinnaavatit.

04-07-2019  
Sags nr.: 2019 - 14838

Postboks 1601  
3900 Nuuk  
Tlf. (+299) 34 50 00  
E-mail: isiin@nanoq.gl  
www.naalakkersuisut.gl

**Apeqquut 1:**

Inuussutissarsiorneq siuarsarniarlugu qanormita Naalakkersuisut pilersaaruteqarpat?

**Akissut:**

Ukiuni kingulliunerusuni Kalaallit Nunaanni inuussutissarsiorfimmu toqqammavigisat pitsanngorsagaasimapput. Taamaalilluni siunissami ineriartorneq, siuarsarnek atugarissaarnerlu qularnaarniarlugit suliassa qarfinni arlalinni nutarsaanermik ingerlassaq pisimavoq. Nunanit allani aningaasaliisartunik aggersaanarluni inatsisaasunik nutarsaaneq aallartisarneqarpoq. Tassunga ilaliullugu inuussutissarsiorfiit tapiissutisinissaannut aaqqiissutaasut nutarsagaasimapput, kiisalu avataanit aningaasaliiffiginissamut attaveqarfiit annertusagaasimallutik, tamakkunatigit inuussutissarsiorfimmu toqqammavigisatut atugassarisat pitsanngorsakkat pilersinneqarniarlutik.

Inuussutissarsiorfiit tapiissutisinissaannut aaqqiissutit Greenland Businessimit ingerlanneqarput, tapiissutigineqarsinnaallutik makku: avammut nioqquteqarneq siuarsarniarlugu suliarisat, inuussutissarsiuutitut siunnersuisartunit ikiorserneqarneq, tunisassianik ineriartortitsineq, nunatta nerisassaataanik atuinerup siuarsarnera, sermimik imermillu suliniutit, kiisalu takornariartitsinermik suliniutit allallu. Ukiuni kingullerni aaqqiissutinit taakkununga qinnuteqaatit amerlassusaat assut assut amerleriarsimapput.

Isorliunerusuni pingaarnertut aallartisaasartutut ilassutitut suliarisatut 2018-imi annikittuaqqanik taarsigassarsisarnermik aaqqiissutip ukiut sisamani misilerarfiginissaa atugaalersinneqarsimavoq.

Kalaallit Nunaanni mittarfiliornermik suliniummi Danmarkimit ilanngunneq pillugu naalagaaffiup aamma Naalakkersuisut akornanni isumaqatigiissutip nassatarisaanik tapiissuteqarnermut aaqiissutaareersut suli annertunerulersinneqassapput. Kalaallit Nunaanni ataatsimoorussatut aningaasaliissutinut Greenland Venturemut aamma Vækstfondenimut aningaasanik ilanngussinissamut koruunit 200 mio. immikkoortinneqarnissaannik isumaqatigiissut ilaatigut nassataqartitsivoq. Taakku saniatigut siunissaqarluartutut suliniutit inerisinnissaannut koruunit 20 mio. immikkoortinneqarput.

Periarfissarpassuarnik taakkuninnga ilitersuinissamut ussassaarussuteqarnermullu 2019-imi Greenland Business aamma Greenland Venture nunatta ilarujussua tikeraarsimavaat.

Ukiup ingerlanerani nunami tamarmi siuarsarnerup pilersinnissaa qularnaarniarlugu nunaqarfinni isorliunerusunilu inuussutissarsiorfiit ineriartortinnissaannut atugassanik Naalakkersuisut agguaassassat koruunit 5,89 mio. immikkoortissimavaat. Suliniutit tamarmik kommuninit aamma nunaqarfinnit toqqagaapput. Ukioq kaajallallugu aningaasaliissutit ingerlaavartumik akiliutigineqassapput, assersuutigalugulu attaveqarfiit pitsanngorsarnissaannut, pisiortornernut, aamma inuussutissarsiorfinni siuarsagassatut ingerlatsiviit pitsanngorsarnissaannut aamma illunut sullissivinnut, takornariartitsinermi pilersaarutissiat suliarinerinut, kiisalu pikkorissartitsinerit isumasioqatigiinnerillu ingerlannerinut il.il. atorneqarsinnaapput.

Nunami tamarmi puisit amiinik tunisineq tapersersorneqarpoq. Tunitsiviit nunaqarfinnut 23-nut aamma illoqarfinnut aqqanilinnut siammartitersimasut 34-unerat Great Greenland A/S-ip ilisimatitsissutigisimavaa.

Takornariartitsinermik suliassaqarfimmi inuussutissarsiorfik tapersersorniarlugu aamma sulissuteqartoqarpoq. Takornariat suli amerlanerusut aggersarniarlugit nittarsaasarfinni arlalinni peqataanermigut Visit Greenlandip Kalaallit Nunaat ussassaarutigaa.

Aamma takornarianut suliarisassanik nutaanik pissanganartunillu pilersitsiniarneq sulissutigineqarpoq. Taamaattumi nunap immikkoortuini tamani tikeraat ornittagaannik pilersitsisoqassaaq. 2019-imi Ilulissani Kangiata Illorsuanik sanaartorneq aallartisarneqarpoq, naatsorsuutigineqarluni 2021-mi aasakkut ammarneqassasoq. Tamatuma saniatigut nunatsinni kommunini tamani tikeraat ornittagaliorniarneq sulissutaavoq.

Takornariartitsinermik suliarisani nutaanerusuni Nunami Namminermi Takusassaqqissuutit ussassaarutaapput. Nunap immikkoortuini ataasiakkaat tamarmik assissaqanngitsunik takornarianit ornigarneqaateqarlutillu takusassaqqissuuteqarput, takornariallu amerliartorneri ilutigalugit attaveqarfinnut tikilluaqqusisarfinnullu atasunik pisariaqartitsinerit pinngortussaassapput. Atortorissaarutinik eqqortunik, soorlu pisuinnaat aqqutissaannik pisarialittullu ungaluukkanik pilersitsinerit toqqammavissat pisariallit qularnaassavaat, ilaliullugulu suliarisat takornarianit tikeraarneqarnermut atatillugu najugaqarfiusuni inuiaqatigiit isertitaqarnissamut periarfissaannik pitsanngorsaassapput, assersuutigalugu isissutissanit isertitatut aamma tammajuitsussanik nioqquteqarnertut ittunik.

Kiisalu inuussutissarsiorfinnik nutaanik ineriartortitsineq aamma sulissutigineqarpoq. Suliassaqarfiit neriuarnerusut ilagaat sermimik imermillu avammut nioqquteqarnerit.

2018-imit sermimik imermillu avammut nioqquteqarnermut periusissiap imarai inassutit 21-t, aqqutissanullu pingaarnernut pingasunut tunngaveqartinneqarput. Periusissiaq atuutsinneqaleruttorpoq, aammalu avammut nioqquteqarnissamik siunertalinnik sermimik imermillu iluaquteqarniarluni akuersissutit arlallit nalunaarutigineqareersimapput.

Periusissiap atuutsinneqalerneru nanginniarlugu 2019-ip aallartinnerani sumiiffinnut tallimanut neqerooruteqartitsineq ammarneqarpoq. Sumiiffiit GEUS-imit toqqartorneqarput, taakkulu toqqagaasimapput taakkunani tikikkuminarlutik imeq minguitsoq annertoorsuaq kuuinnartuunera pissutaalluni.

Sumiiffiit taakku illugiilluni ataatsimiittarnerni, nittarsaasarfinni peqataanertigut, ataatsimeersuarnertigut il.il. 2019-imi ukiup affaani siullermi annertuumik ussassaarutineqarput. Aamma sumiiffiit suliffinnut soqutiginnittunut takusartinneqarsimapput.

## **Apequt 2:**

Kalaallit Nunaat tamakkerlugu imaatigut aamma nunakut inuussutissarsiummik ineriartortitsiviunngitsut illoqarfiit nunaqarfiilluunniit suuppat?

## **Akissut:**


Nunap ilaani assigiinngitsuni aamma illoqarfinni nunaqarfinnilu inuussutissarsiorfiup ineriartornerata assigiinngiaarsinnaanera Naalakkersuisut sianigaat.

Nunami tamarmi inuussutissarsiorfiup ineriartortinnissaanik sapinngisamik siamasinnerpaamik tapersersuinissaq Naalakkersuisut anguniagaraat. Tassunga tunngatillugu nunap ilaani tamani siuarsaanissap pilersinnissaanik siunertaqartut apeqqu 1-ip akissutiginerani nassuiarneqartutut suliarisarpasuit taakku Naalakkersuisut innersuutigissavaat.

Aammattaaq Aalisarnermut Piniarnermullu Naalakkersuisoqarfik imatut ilisimatitsivoq: *Illoqarfinni nunaqarfinnilu inuussutissarsiorfiup ineriartortitaanera Naalakkersuisut malittaraat, aammalu ad 1-imi eqqaaneqartutut ineriartornermik tapersersuiniarlutik, aamma inuussutissarsiorfittut periarfissat nutaat pilersinniarlugit periarfissanik arlalinnik neqerooruteqarput. Aalisarnermut piniarnermullu tunngatillugu inuussutissarsiorfiit ineriartortitaanerannut tunngatillugu isumalluutissap pissarsiarineqarsinnaanera soorunami aalajangiisuvuq. Aalisagaqartoqarneratigut inuussutissarsiorfiit imarmik aamma nunamik tunngaveqartuupput. Assersuutigalugu sumiiffimmi aalisarnissamik periarfissaqarluartumi nunami ingerlatsiveqanngippat sumiiffimmi ineriartortitsineq tapersersorniarlugu angallatinik tunitsivinnik inissiisoqarnissamut, aamma nunami ingerlatsiviliornissamut akuersissummik Naalakkersuisut tunniussinissaminnut periarfissaqarput.*

Tassunga atatillugu ”Nunaqarfinni isorliunerusunilu aalisarnermik inuussutissarsiorfimmi annertunerusumik suliffeqarnissamut periarfissat pillugit nalunaarut” Naalakkersuisut innersuutigissavaat. Ilaatigut nunaqarfinni isorliunerusunilu tunitsivinnik nalunaarut nalunaarsuivoq. Tamakku saniatigut nunaqarfinni isorliunerusunilu aalisarnerup iluani sorlernik piukkunnaateqarlunilu aporfissaqarnera qaammarsaavigaa.

Inussiarnersumik inuulluaqqusillunga



Jess Svane